

CORNELII
DREBELII
BELGÆ

TRACTATUS DVO.

DE NATURA
ELEMENTORVM.

I. DE QVINTA
ESSENTIA.

ccedit his de MOBILIS PERPETVI
inuentione Epistola lectu
dignissima.

Belgico idiomate in Latinum vertit
D. PETRVS LAVREMBERGIUS
Professor in Athenæo Hamburgensi.



GENEVÆ.

Typis & sumpt. IOAN. DE TOURNES.

M. DC. XXVIII.



Amplissimo viro,

N. GEORGIO
SCHVMACHERO S. P. D.

ET RVS LAVREM-
BERGIVS.

Quod cum nummis, Pruden-
tissime SCHVMACHERE,
quos sub peculiari emblemata
te percussos in vulgus ire cu-
at princeps, idem assolet fieri cum libel-
is quibus viri eruditionis & fama alicu-
us promotum eunt emolumentum publi-
um rei literariae. Vtroque curiosè tra-
ctamus, inspiciamus, vertimus, & si quid
memorabile praeseferunt, legimus; quis-
que etiam ad arbitrium genij sui inter-
pretamur. Exemplo esse potest (ne pe-
tam longius) opusculum hoc Cornelij
Drebely de Elementis, quod sollicità &
diligenti manu quotusquisque non tra-
ctavit paucis retro annis? Hoc solum

faciliori eius intellectiōni obstare videbatur, quod Belgicè esset conscriptum, quam Dialectum non omnes aequè capiūt. Itaque inuentus est haud ita pridem qui eum libellum Germano habitu produxit in scenam; sed infelici prorsus & ridiculo conatu. Nam neque sententiam auctoris assequutus est, ubi nervus & ipse succus ac spiritus argumenti delitescibat, neque omnia transtulit, neque satis dilucidè aut Germanicè. Quia tamen illius usus fructus communiter esse credebatur in re Philosophica & Chemica dignitatis, cœpi ego, rogatus ab amicis, Medicis huius ciuitatis excellentibus, per unum aut alterum bihorium interpretationi illius incumbere. Quod dum facio, inueni scriptum charactere quidem nouo, nouoque auctore dissoluisse in vulgus, sed tamen sapere nativam generositatem antiquioris Philosophia: Chemica quidem duo illius postrema capita, in quibus abstrusioris sapientie fundamenta tam apertè detegantur, ut & agnosci & videri & palpari facile possint ab eo, cui non prorsus frigidus obstitit circum præcordia sanguis. Peripatetica verò, quicquid
reliquum

reliquum est argumenti de Elementorum naturis, transmutationibus, pluviis, tonitrubus, fulguribus, ventis. Ea enim omnia ex Aristotele huiusque Interpretibus Græcis, Latinis, Barbaris, vel verbotenus deducere, in proclini esse potest ei, qui istorum Hercum scripta non nimis innixa ignotæque habet.

Ea tamen res non tam dedecori quam gloria esse potest Drebelio: non tantum quia cum præcæ, solidæ, & genuinæ Philosophiæ conspirant ea quæ proponit; sed multo magis, quia ipse ingenij sui excellentiâ meditando atque experiundo assequutus est id, quod multi multorum præceptorum & librorum adminiculis vix, raro atque ægrè perueniunt.

Quidquid hic meum est, Præstantissime Schumacher, illud meritò atque officiosè tibi cupio oblatum. Iam tum ab illo tempore, quo uterque publicam rem agentes solemnī Academiæ ætneri Rostochij interessemus, in animo meo aculeum defixit excellens illa pectoris tui generositas, reliquitque gratam memoriā amicitiae & existimationis; quam ego italesam atque irruptam servabo, quamdiu

6
*me rebus mortalium interesse patietur
Diuini Numinis benignitas. Salus: &
hunc hominem in numero esse amicorum
tuorum porro patere. Dabam propter
Hamburgi XII. Kal. CIO. IO. C. XXI.*

CORNELII DREBBELII
IN TRACTATVM SVVM

DE ELEMENTIS

PRAEFATIO.

CVM discursus hic in manus tuas
peruenerit, Amice Lector, per-
suasum tibi habeto, cum non in mei,
sed tui solius gratiam & honorem
conscriptum esse. Non enim sum
nescius, quàm vana & inanis sit res,
Gloria mortalium. Nónne omnes v-
ni DEO creatori originem nostram
debemus, humilem illam & sine o-
mni fastu? Quam (de humilitate lo-
quor) postquam propriâ incuriâ & ne-
quitiâ perdidimus, nihil mirum si tu
mihi, atque ego tibi, alij videamur,
quàm

quàm reuerâ sumus. Itidem quòd nec ego te , nec tu me penitissimè noscas. Cæterùm prauitate & desidiâ insuper odiòque habiris, si rebus bonis & honestis exerceri cœperimus, an non etiam in simplicitate illâ sapientes futuri sumus ? in humilitate & submissione illâ diuites ? Et nunquid tu mihi , ego verò tibi , instar fratrum sumus ? Quid inuenis penes te , quod non gratis, & saltem commodatò tibi sit indultum ? aut quid esset in me, cur gloriâ memetipsū dignarer ? Væ nobis si pluris quàm par est nos nostrâque fecerimus , fratrēque nostrum egere illis patiamur. Hæc oculos in infinitam DEI bonitatem cōiice , quàm largâ manu is nobis præbeat omnia, etiam ampliùs quàm flagitare quis sciat. Scrutare animi tui diuitias. Regem te inuenies præstantissimi huius à DEO creati opificij. Et annon omnes orbis opes tibi ancillantur ? Etiam cū olim has post te es relicturus , nōne protinus te beabit DEVS dono longè præcellentiori, immarcessibili coronâ æternæ vitæ ?

cur ergò non amas hæc , quemadmodum à DEO tu ipse amaris? Rudem & ignarum me dicis? Nónne tu longè iudior fuisti quondam? Ego egenus sum & inops ferum? Annon tu sine DEO tuo longè maiori inopia premeris? Cur igitur me nec erudis, nec iuvas, tu qui tot donis & beneficiis, à DEO affectus incedis? Odióne ea gratia te prosequar? Absit id à me. Nam quando me intuerer, te inueni in me ipso. Méne ergò maiori quàm te gloria censerem dignum? Nequaquam, frater, quia ego consimiliter me habeo uti tu. Cur igitur me efficerem magnificè? Quin potius humilitati studens omnis gloriæ vanitatem conabor contemnere. Estne quidquã quo gloriari verè possimus, præterquam DEO, qui tantoperè nos diligit? Sine quo annon miserrimi essemus? Qui in hoc mundo gloriæ inhiant aut honori, annon DEO illi excidunt, in quo solo omnis gloriæ plenitudo? Econtrà qui gaudent humilitate, nónne & honoris & diuitiarum participes euadunt, DEO indulgente?

Hoc

Hoc ipsum expertus sum, tum cum humilem me gessi & demissum: Et in gloriam cederet mihi mea miseria: Miseria in mortis aculeum: Mors in victoriam: Victoria erat immortalis mea anima: Animæ, veræ diuitiæ, Diuitiæ, inquam, DEVS Opt. Max. abs quo & per quem est, quicquid fuit, quicquid est, & ad quem omnia, ceu finem, festinant. Iam ut gratos nos præstemus, quidnam factu opuserit? Myrrhâne aut thura incendemus? Circumcidemus præputia? Capillos rademus? Suggestum nostrum adtollemus aliud, & atris aut albis vestibus induti concionabimur? An illos, qui DEI cognitione destituuntur, ferro flammisque eradicabimus? an decantaturi DEI laudes? an denique magna scripturi librorum volumina ut æternam nobis paremus famam? Omnia, frater, splendida vanitas. Quo quæso DEVM donabimus, cuius propria sunt omnia, qui omnium possessor, qui suam per omnia gloriam famamque sparsit, etiam ampliùs quàm mens nostra capere queat? Quid ergo

facturi? Gratis certè nobis esse convenit, & à Filio Dei discere humilitatem, legisque illud compendium, In primis Deum dilige, & proximum sicut te ipsum. Hæc doctrina est Apostolorum & Prophetarum: Imò DEVS per naturam eadem nos docuit, ne secunda morte quisquam interiret.

Porrò cùm animo mecum perpendi quàm miserè hominem ad pessima quæque seducat desidia, viamque illi intercludat quò minùs intelligere valeat DOCTRINAM NATURAM: cùm itidem viderem quàm magnos sæpè labores impenderent mortales rebus vel parvi, vel nullius momenti, tum profectò magnifacere & amare cœpi DOCTRINAM NATURAM; Deumque perfectè agnoscere ex Creaturis, quas non sine admiratione & stupore animi intuebar. Peruoluere verò cœpi Elementa, quæ mihi, quasi digito, monstrabant Telluris naturam, cuius Spiritum crystallinum, in modum nebulae alicuius, contemplabar, Animam verò tinctam quasi sanguine, Corpus denique eiusdem stabile atque indomitum

mitum instar crystalli. Hæc cernere erat Spiritū militātem aduersus Corpus, quod cū tandem superasset, ex ambobus factum fuit VNVM. Corpus seruiebat Animæ, eratque illi pro stabili domicilio. Spiritus subleuabat Corpus & Animam, non secus ac cœlum crystallinum. Anima ornamentum addebat tum Spiritui, tum Corpori colore suo roseo, & ferè dicam cœlesti. Hic interitum, resurrectionem, atque immortalitatem oculis meis notabam: Vnde non poteram nō gratus esse erga Creatorē meum, & magis magisque amare sapientissimam Naturam. Mox etiam constitui in tui gratiam, Lector, omnia hæc literis consignare, si qua, fors, inde utilitas redundaret in tuum commodum, tuque ita ab inutilibus exercitiis subtraherēre. Spero non contemptum iri abs te hoc quicquid est, neque vitio mihi te versurum, quòd descriptionem hanc priscorum Philosophorum auctoritate non munierim. Nullum, vt verè dicam, nec legi, nec consului super hanc re. Saltem ea tibi.

communico, quæ ipse à Naturâ hausi
 atque accepi. Tu certò crede, mon-
 strari tibi atque obferri id à me, quod
 multos latuit hætenus: quod tamen
 ipsum, nisi meam probè mentem in-
 tellexeris, etiam ipse haud quaquam
 scies, quibus destinatum sit vñibus.
 Propter imprudentem tuam petiti-
 onem silétio id ipsum inuoluere cogor,
 ne ipsimet mihi creem periculû. Cæ-
 terùm cùm ex corporis mei ergastulo
 emigrauerit anima, tum in apricum
 plenamque lucem deducétur omnia.
 Nihil noui profiteor: Id de quo dis-
 fero ante plus quàm decem secula iam
 extitit. Scribam igitur de Elementis
 vulgaribus: si quidem hæc tibi optimè
 nota sunt; vt ita ad penitiorem intel-
 lectum deuenias Reliquiarum, istud
 est, Elementi Telluris. Nec enim Tel-
 lus tam simplici constat naturâ, quàm
 Ignis, Aër, Aqua, sed impura est,
 quasi cæterorum excrementum. Re-
 perimus, inquam, in Terra, terræque
 Creaturis reliquis, plenè ac perfectè
 quatuor Elementaria Corpora, quo-
 rum ope, opus nostrum perficere co-
 gimur.

gimur. Ignis, Aër, Aqua, famuli
sunt Terræ. Ignis in Aërem agit; hic
in Aquam; hæc in Terram. Omnes
simul Terram certis locis humectant,
quemadmodum prolixiùs pòst de-
monstrabimus, exorsuri, Deo bene
faute, à primo Opere Creationis,
quam commonstrabimus, quoad o-
culis eam videre, & mente capere
licet.

ANONYMI CVIVSDAM
PHILALETHÆ

De medicina Tertij ordinis GEBERI
versiculi.

SI Centrum Æthereum cognoveris, accipe Cen-
trum

Ætheris, & Centri quære Superficiem.

Junge Superficiem Centro: sic Æther ab alto

Defluet in Terram: Terra posúmque petet.

Hanc Hermetis Auem si multiplicaveris Arte,

Totius Arcani Rex eris Alchymici.

LINEA VIRIDIS VBIQUE GYRAT.



CORNELII DREBELII
BELGÆ,

TRACTATUS PRIOR
DE NATURA
ELEMENTORVM.

CAPVT I.

Quomodo à Deo sint omnia : quòd quatuor elementa pulcherrimo ordine sint producta quòdnam sit ignis officium.



OMNIVM rerum origo ex Deo est : atque ad Deum rursus, ceu finem, tendunt omnia. Finis enim cuiusque idem est ac eiusdem principium , vt testatur quotidiana experientia. Quod è Terra pullulat, ad terrâ reuertitur, quod ex Aqua, ad aquam. Quicquid est, id initio perfectissimum fuit apud Deum, atque olim iridem ad eandem perfectionem reuert-

reuerteretur, tum cum elementa colliquescent, & pristinum induet splendorem coram Deo. Nihil ibi perditum ibitur præter iniustitiam. Deus enim exactâ tēporis plenitudine, quando illi complacuit, cunctarum rerum Naturas Verbo produxit. Initio quidem, id quod erat subtilissimum, se creuit à cætera massa, factumque est Ignis elementum, occupans supremam mundi sedem, replens infinitum istud alioquin vacuum futurum spatium: circumdans Dei magnifica opera. Scilicet quicquid leuissimum est, id sursum ascendit. Iam Deus iterum ab ista massa separans id quod leuius, quodque subtilius, effecit elementum Aëris, cuius locus proximè sub leuissimo igni. Consimili ratione & à reliquiis seiunxit partem subtiliorem humidiorēque, atq; efformauit cum Tellure Aquam. Aqua verò integram terræ faciē obtegebat haud secus ac ignis aërem, aër aquam. Cæterum omnipotēs Dei virtus, Terrā aquis immerfam extulit in altum, nosque in eadem collocavit, vt eò

perfectiùs contemplaremur splendorem æternæ suæ lucis, ac se amaremus, quippe qui perfectissimi eramus creati. Sic quadripartitò diuisit Deus opera sua in Ignem, Aërem, Aquam, Terram. Vnumquodque horum suis virtutibus est insignitum, pro modulo & ratione propriæ subtilitatis. Ignis reliqua antecellit, vim obtinens excellentiorem, qua ceteris splendorem impertiri potest suo splendori æmulum. Nihil est cui ille vitam non largiatur. Sine illo mortua sunt pleraque, vt quotidie, maximè tamen hyeme, experimur. Intuere hoc Elementum, quàm operosè illustret Aërem! huncque ad similem claritatem perducatur, omnes ex eo dispellens tenebras. Ita testatum facit quanta antè obscuritate oppressus fuerit aër. Insuper ab omni humore excrementitio fumisque terrenis eundem expurgat. Immunem quoque reddit à crassitie, facitque vt subtilitate solidissima quæque possit penetrare. Vt paucis dicam, similem sibi vndiquaque reddit aërem Ignis, vt etiam vix vllum inter
vtraque.

utraque discrimen deprehendas. Exemplo & argumento est Ignis noster Culinaris, qui ligno aut cespitibus siccis enutritur, magna vi colligit, & quasi sugendo attrahit ad se aërem: eum nitidum, purum, lucentem reddit; sibi que assimilat penitus: Quod ipsum tam avidè tamque impensè facit, ut si fortè intercludatur, subtracto & intercepto aëre (id est quoties suffocari eum contingit) mox intermoriatur ac tenues evanescat in auras: quod profectò notatu est dignissimū. Ostendit enim quàm studiosè Dei creaturæ suas exsequantur functiones, quàm sedulò operentur, quoad quod agent habent, quoque plus invenerint, eò agant meliùs, si nihil illis fuerit impedimento: ut hec etiam nos probè nostro fūgamur officio, Deumque Creatorem ac Dei dona in nobis sine invidia, sinèque impedimento permittamus operari, ut ex vna luce promoveamur in aliam, puriores, illustriorèsq; redditi divinæ lucis radiis.

CAPVT II.

Quomodo ignis agat in aquam & terram : quomodo contraria uniantur : quòd secretio Elementorum studiosè sit obseruanda: Ignem esse vitam omnium.

CÆterùm haud aliter atque in aërem agit Ignis, ita quoque in Aquam & Terram, vti in cespitibus ex succis ac lignis aridis cernimus; quæ, non minùs quàm aër, illustrata & splendida euadunt. Nónne vides quàm attriti sint carbones extra ignem? quàm clari sint, quàm lucentes in igne, non minùs quàm ignis ipse. Tantum illis splendorem ignis impertit, vt etiam in formam penitus diuersam transformentur: Tum reuertuntur ad pristinam suam naturam. Etiam cinis ipse non renuit tãdem mutari in substantiam vitro non dissimilem, ac postremo inuisibilem. Fortassis dixeris fieri non posse vt aqua ex eadem materia oriunda sit, qua ignis: siquidem necessum, vt quæ ita se habent, illa aliquam acceperint similitudinẽ cum
re ex

re ex qua sunt genita , quod de Igni nemo dixerit. Nullo enim pacto aqua pura & splendida reddi potest beneficio ignis. Respondeo: Duo contraria nunquam vniri aut cōspirare posse sine interuentu medij alicujus. Enimverò postquā Creator partē subtiliorem, splēdidiorē, sicciorē, calidiorē secreuisset à prima creationis massa (quā Chaos dicimus) jam mox contrarium illius itidem emerfit, scilicet Ens crassius, obscurius, humidius, frigidius, quod fuit Aquæ & Terræ elementum. Aquæ verò ista humiditas temperatur aëris terræque siccitate : Itidem crassitudo & siccitas terræ, subtilitate aëris, humiditate aquæ. Hinc vides nihil posse vniri sine medij alicujus beneficio. Neque igitur aqua cum igne componi poterit, destituta aëris subtilitate, terræque siccitate, quæ quidem mixtio in aqua vitæ aut oleo elucet, sicque igni copulatur. O profunda Sapientia! quàm abscondita sunt opera tua! quàm excellentes tuæ creatura! Quis tibi non adtribueret debitam gloriam, cui saltem aliqua scin-

stillula-clucescit τῆς πρῶτης τῆς φύσεως!
 Quis non admiretur Creaturas, quas
 tas admirandas intuetur? Quî fieri
 potest, ô Homo, ut miracula Dei, sine
 admiratione, contemplare? Cur vi-
 dens occæcaris? Cur opera Dei non
 peruestigas non laudas. quoties vides
 primam illam Substantiam, pri-
 mam rerum omnium Materiam, in
 qua Ignis, Aër, Aqua, Terra resplen-
 dent consimili perfectione, quâ prin-
 cipio creata fuere apud Deum? Ob-
 serva, amabo, secretionem quatuor
 Elementorum. Ignis spiritus sursum
 euolat, secum auferens aërem, aquam,
 terram, quæ, frigore aëris condensata,
 sui similia petunt, ea, inquam, ex qui-
 bus fuerunt producta. Olei humor,
 quæ aqua est, in nebulam transmuta-
 tur; rursus decidit guttatim. Terra in-
 stat fumi ascendit, deciditque nigri-
 cans. Aër à semetipso excipitur. Quis
 huius miraculi rationem edifferens
 laudum diuinarum poterit obliuisci?
 Sic cōstat, lector amice, vnum Ignem
 vitam esse omnium, omnia illustrare
 ac deducere ad eū splendorem, quem
 ab ini-

ab initio illi concesserat Deus, seu aër fit, seu aqua, seu terra, non tamen id absque medio. Aquæ enim crassitiem aëris subtilitate adtemperari necessum est; ejusdémque humiditatem siccitate telluris: Tum denique paratam habebis Materiam, quæ lucida, VIVIDAE QVÆ reddi potest, beneficio ignis. Sed plura de his dici possent, quæ brevitatis studio prætermittenda, ut eò citiùs ad rem propositam deducamur.

CAPVT III.

Oeconomia rerum sublunarium. quomodo perficiatur per mutuam actionem & passionem quatuor Elementorum.

AGe ergò, Lector, inuestigemus jam Aëris virtutes, iuxtaque & cæterorum elementorum. Veluti tria elementa sine Igne mortua sunt, sic & Ignis sine tribus cæteris. Hinc Dei sapientiam admirari disce, quæ nihil frustraneum fecit. Namque ut Ignis vita ipsa est: vivit. verò in aëre, haud secus in igne vivit aër, aqua in tellure,

tellus in aqua. Ignis aërem perpurgat, aër aquam, aqua terram: vnumquodque sibi, suoque splendori, adsimilat alterum. Nonne vides æstiuo tempore vtr aqua à sole in aërem attrahatur, perque aërem clarior fiat & subtilior: ita vt inter aquam & aërem vel exiguum vel nullum sentiat discriminē? Exemplo est aqua Solis radiis exposita, quæ sensim euanescit attracta à Sole & subtilior reddita; modò frigus eandem non constipet. Calor enim ignis, quemadmodum omnia subtilia & pura reddit, ita ex aduerso frigus igni contrarium omnia condensat, constringit, aquamque quasi comprimit, resistens calori ignis, & aëris subtilitati. Hæc causa est propter quam aqua rursus in guttas concreta decidit, quæ guttæ, à tellure absorptæ, nutrimentum fiunt rerum ex elementis ortarum; adeoque penetrant ad radicem vsque seminis: verum, virtute & efficacia Solis, denuò emergentes ad extremas plantarum particulas, destituunt spiritus aut nutritionem telluris, quæ ejusdem Solis calore trāsmu-
tari

tari consuevit in substantiam cuiusque rei propriam. Hoc pacto aluntur augmenturque continuâ aquæ attractione. quo ipso nobis aperte monstratur & ordo aptissimus, & sapientia nostri Creatoris. Quod si frigus fuerit vehementius, mox coagulatur aqua, atque terræ formam induit. Iam sicuti frigus, proprium terræ opus, aquam condensat, suam illi & crassitiem imprimens & duritiem: Consimiliter aër ignem condensat, si illius frigiditas huius calorem superarit. Ignis in aërem mutatur, aër in aquam, aqua in terram, ut ante fuit demonstratum. Res digna admiratione, quæque firmissimè demonstrat id, quod antè monuimus de separatione primæ Materiæ. Namque ut ex primitiis creatâ Massâ DEVS secreuit Elementa: ita eadem beneficio nostri ignis (qui tanquam umbra primi entis) reducuntur ad pristinam suam essentiam, id quod lampas accensa, imò omne vtile corpus ad oculum demonstrat. Nam quamprimum accensum fuerit oleum, mox flammæ virtute id ita illustratur, ut

inter oleum flammamque nulla maneat differentia. Quin oleum fit flamma, & flamma oleum: Oleumq; flammam permeat; non tamen multò post à frigore (ignis contrario) in pristinam elementi formam restituitur, ut non ita pridem dixi. Quapropter qui perspicacius flammæ naturam ruminabit, is non tantùm animaduertet reductionem & restitutionem Elementorum in pristinam integritatem, verum etiam secretionem eorundem ex materiâ primâ: quod ipsum omnem superat admirationem, notatûque est dignissimum. Sed de his aliàs.

C A P U T IV.

Quomodo generentur Venti & Pluuia.

Quæ res illustratur tribus exemplis.

SI illa quæ superius narrauimus, probe perpenderis, probeque intellexeris, fieri nequit, quin perfectè noris causam Ventorum, Tonitruum, Fulgurû. Quoties radij Solis, sine obstaculis, aërem, aquamque penetrant, arque excalfaciunt, aër in ignis naturam

ram conuertitur, aqua in aërem, vnde emergit perpetua quædam commotio, expandens sese vndique, circumdans vniuersam terræ faciem, atque humectans. Cæterùm aqua hac ratione subtilis facta, cùm, aërem calidiusculum penetrans, ad frigidiorē & crassiorē pertingit, iterum comprimitur, condensatur, imminuitur, reditque ad antiquum suum ingenium, id est, aquæ naturam, deorsum guttatim ruens: quem lapsum necessariò tranquillitas sequitur, sicuti pluuiarum tempore experimur: nisi fortè vapor ac aquæ continuus ille adscensus vltèrius institerit majori copia & impetu, quàm aër frigidus potest condensare. Vt calor tum aërem, tum aquam, subtiliora, rariora, maiora reddit: ita frigus caloris contrarium eadem crassiora, densiora, minora: hac lege attrahens rursus ventos, qui caloris virtute euanuerant. Id oculis & manu palpabimus, si Cornutæ vacuæ ore frigida aqua imposito, ventrem igni superposueris, actutum videbis, ubi primulùm calfactum fuerit vitri.

corpus, egressuros ore illius, non sine strepitu, flatus qui in bullas concitabunt aquam, idq; eò impensius, quò aër incaluerit magis. Remoto ab igni vitro, cùm aër frigescet, mox in se coibit crassiorque fiet, & proinde minor, vitrumque aqua opplebitur illa sui parte, quam antea aër calfactus & expansus occupauerat. Si sine rupturæ periculo vitrum summè calfacere posses, parum aberit, quin plenum futurum sit aqua dum refrigerat. Hanc calfactionem melius quidem ferret Cornuta figlina, sed in vitrea id quod dixi, perfectius visu notari potest. Porro quantò aqua aëre grauior, crassiorque est, tantò amplius caloris vi diffunditur, magisque grandescit, imò millecuplò amplius. Exemplum huius rei etiam pomum coctum suppeditat, ex quo flatus erumpentes audimus, nihil tamen (si sensus consulas) diminuto humore intus concluso. Itidem sphaera ænea intus caua, cuius aliquod latus foramen habeat. Si hæc incalascit validè, perque foramen aquæ gutta instilletur, statim ea augebitur,

gebitur, & instar venti efflabit ex
sphaera.

CAPVT V.

*Qualis sit aëris status sole occidente: cur
copiosa vel rara sint pluuia: quomodo
liceat naturam ventorum assequi.*

CUM ingruente vespere aquæ attrahitio, & (vt sic dicam) dissolutio imminuitur rursus, sole nimirum paulatim occidēte, vt plurimum placidum & sūdum fit cœlum; quamquam vix vnquam hæc cesset attrahitio, nisi fortè aquâ gelu constrictâ: quemadmodum videmus, cum vas aquâ opplerum in cœnaculo adseruatur. Post aliquot dies diminutam inueniemus aquæ quantitatem, idque eò quòd cœnaculi aër nonnihil calidior, quàm aqua. At verò quòd quādoque sub vesperam nulla à nobis deprehendatur aëris tranquillitas, cāusa est, quia longius remoti sumus ab illis locis, in quibus aër atque aqua resoluuntur. Ventus enim seu aër agitat^{us} heic insequitur continuò, cuius rei

documentum capere licet ex sono in
diffitis locis facto, quem longo post
tempore solummodò percipimus,
quàm reuera factus fuit. Hac de cau-
sa, quantumvis cesset valida illa com-
motio à sole occaso, nos tamen haud-
quaquam id persentiscimus tam subi-
tò, ob insequentem continuò aëris
commotionem, ideòque flante vno
vento maiorem sentimus tranquill-
tatem, quàm altero, pro locorum &
regionum diuersitate. Quòd si propè
absumus à prædictis locis, non possu-
mus non frui aëre tranquillo & placi-
do, veluti jam est demonstratum. E-
uenit quandoque quòd statis anni
temporibus copiosè & frequentes de-
cidant pluuiæ; mensibus scilicet Mar-
tio, Aprili, Majo, Septembri, Octobri,
Nouembri. Ejus rei ratio ex antepo-
sitis fundamentis facilè intelligitur.
Tum enim in medio versamur calo-
ris & frigoris. Neque possunt vaga-
bundæ nubes attenuari præ defectu
caloris; sed commodissimè vertuntur
in guttulas, mòxque decidunt. Atque
hinc etià illud est, quòd frigidis hisce
in oris,

in oris, media intempestâque hyemē,
 pluuiarum crebris inundationibus
 haud affligamur tantopere. Quippe
 sublatae nubes protēnus circumuentae
 aëre frigido, decidunt prius quā ad
 mediam perueniant regionem aëris:
 nisi fortē tam copiosae, crebraeque fue-
 rint exhalationes, ut multitudine, cō-
 tinuōque & incessante ascensu, acce-
 dente insuper austri flatu, infringant,
 vincantque demum infimi aëris fri-
 gus. Non rarō quoque valido vento
 feruntur aliō, & cito volatu loca hae
 praetereunt, tandēque vi frigoris
 concrescunt in niuem. Hae fundamē-
 ta ex ipsis naturae penetralibus peti-
 ta, si probē ruminēs & considerēs, le-
 ctor quisquis es, non poteris non per-
 fectē & exactē intelligere, quidquid
 tibi de ventorum natura cognosce-
 dum obferetur; multō etiā meliūs,
 quā ego verbis aut literis quēam ex-
 plicare. Hae non alio fine prolixiūs à
 me sunt demonstrata, quā ut funda-
 menta propositae doctrinae intelligis,
 eaque quae vberioris cognitionis gra-
 tia jam jam sum adjuncturus.

CAPUT VI.

*Quomodo media aëris regio promoneat
generationem ventorum: & quanta sit
ventorum varietas.*

H'c jam quæret aliquis, quæ ergo
hæc, quod æstiuo cælo sæpius cu-
lè ventum è nubibus profilientem
sentiamus, non item ex locis illis, in
quibus facta fuit aquæ resolutæ atte-
nuatio & attractio? Annon hoc ipsum
pugnet cum iis quæ paulò antè edo-
cta? Tantum abest, ut vlla hæc spectetur
contrarietas, ut potius eò ipsò ve-
ritas traditæ doctrinæ impendiò ma-
gis elucescat. Enimverò postquam sol
attenuatam, & in vapores conuersam
aquam sustulit in altum mediùmque
vsq; aërem, tum ipsi illi vapores non-
nihil addè sati frigore, deorsum ruunt,
instar crassioris nebulae, donicum e-
riam contingant aërem infimum, ca-
lore perfusum vndique. Is aër calidus
iterum resoluit attenuatque vapores,
à quibus ipse vicissim pressus, atque a-
gitatus, ventorum causam submini-
strat. Haud aliter egelidus crassusque
aër

aër superficiem terræ proximè circumstans ab irruentibus densis frigidisque nebulis & ipse crassescit; mox aliò delatus, extenditur iterum, fitque subtilior, vndè ventorum adaugetur materia, & quaquauiusum expanditur; sæpè etiam nubes aduersis frontibus quasi concurrunt. Namque frigidus densusque aër sursum pellit calidiorem, vsque ad loca mediæ regionis frigida; vbi is crassescens, à vicinarum nubium frigore, denuò petit loca infera; denuòq; calore horum resouitur, attenuatur, & à globi terrestris superficie auolat. Hac facie veniunt abeuntque & variè vagantur venti, ventilantes tellurem, & frigefacientes inferiorem hanc mundi coloniam, ex sapientissimo & optimo Dei decreto. Vides quomodo sentiamus vëtorum flatum ex illa prodire aëris parte, in qua vehuntur densæ obscuræque nubes. Ita estate media, sicubi surgentem obseruamus nebulam crassiusculam propè Noto lybicum, haud multò post flaturum suspicamur & experimur Noto-lybicum; mox Zephyrum,

aut Borrholybicum; atque ita pro nebularum ascendendum diuersa origine, & solo natali, diuersos expectare habemus ventos. Vides præterea etiã causam cur non rarò tam vehementes spirent venti? cur in Hollandia, vicinisque prouinciis Subsolanus, aut Notoapeliotes tam pertinaces, diuturnasque pluuias secum ferant? cur Zephyrus aut Borrholybicus tam varius sit & mutabilis: interdum vehementissimo impetu: interdum leues effundens pluuias: mox tranquillus iterum: mox resumens pristinam vehementiam? Cur in regionum soli propinquarum locis maritimis, ante meridiano diurnoque tempore ventus è mari spiret? vespere noctuque è mediterraneis? Horum omnium effectuum causas è natura petitas exponere mihi in procliui esset, nisi scirem, eum, qui hætenus proposita probè intelligit, sine omni molestia suo Marte ad perfectam eorundem cognitionem peruerturum. Nunc porrò à ventis imus ad tonitrua & fulgura.

C A.

CAPVT VII.

Quomodo generentur Tonitrua & Fulgura.

QVando Tonitrua & Fulgura eueniunt; aër longè est siccissimus, calidissimus: aqua verò virtute radiorum solarium rarefacta facessit in naturam aëris, & in sublime acta, procul à terræ globo condensatur, concrefcitque frigore, & in angustum coacta iterum assumit indolem pristinā: tum porrò specie nebulæ deorsum vorsum properans, cispellitur ab aëre frigido versus aërem calidum, siccum subtilémque, qui ocyus peruadens crassam illam nubem, rarefacit, atque ad summam perducit subtilitatem, reducitque ad naturam aëris. Itaque dum corpus illud momento extenditur, & vel sexcentuplo fit majus, postulatque locum ampliorem, necessario euenit horrenda quædam agitatio, commotio, quâ exhalatio accensa cum fragore & strepitu emergit, donec tandem adipiscatur spaciū quantitati suæ æquale: tum demum cessat

omnis violētia. Exemplū habemus in nitro, quod Volcani violentia disruptū, dissolutūq; induit naturā aëris. Idē experieris, si vel linteo benè madefacto, vel manu frigidam asperseris liquido plumbo, aut candenti ferro; ea aqua caloris vehemētia attenuata, versaq; in aerē, sonum edit tonitribus haud dissimilem. Neq; aliud est, cū crebro ictu ex silice & chalybe eliciamus ignē, disrupta dura silicis substantia, causa scilicet scintillātis splendoris. Cæterū quādo superstitēs nubes præteruehūtur loca ea, quæ à tonitru, aut nubibus resolutis, sunt frigatefacta, iterūmq; attingunt aërem calidū, tum hic illas iterum permeat, & quaquorsum peruadit (ascendere quippe semper nititur, veluti & ignis) denique dissoluit, attenuat, transmutatque in substantiam sibi similem, id est aërem, quemadmodum jamjam docuimus. Hinc tam diuersa audiuntur fulmina, per omnes eas aëris partes, quæ olim à Solis radiis insigniter calfactæ, postmodum iterum refrixerunt.

Cæter.

CAPVT. VIII.

Recapitulatio doctrinae de generatione ventorum, pluuiarum & tonitruorum: & insignis observatio de nutritione vegetabilium, ut & de prima materia inuestigatione.

EX his omnibus luce meridiana clariùs cernimus, quàm paternè Naturæ Auctor per Naturam nos erudiat, incitèrque agnitionem atque amorem sapientiæ, bonitatis, atque omnipotentiae suæ. Intuemini, sultis; optimum atque admirabile ordinem; qui in omnibus rebus, si accuratè dispiciamus, elucet. Cogitate quàm mirifica ratione (veluti superius audiui-
stis) crassum illud Aquæ corpus à Sole inuisibiliter sublatum in altum, mu-
tetur in latè diffusum aërem; qua ori-
gine nascitur mobilium ventorū nu-
merosa propago. Sic rarefacta eadem
aqua huc illuc agitatur, eoque delata;
quò ob maris, stagnorum & fluminū
defectum nulli transmittuntur vapo-
res, tum præterea feruore solis sur-
sum acta ad frigidam aëris prouinciā.

procul à terra & huius calore, quàm mirificè iterum condensatur, cogiturque in nubem. (quod etiam à nocturno fit frigore) quo nomine, ingruente nocte, ut plurimum tràquillus redditur aër, nebulosus tamen & crassus: quæ nebulæ in guttulas concresecunt postmodùm. Ita sitiens terra beneficio roris inebriatur; inque eo, quasi putrescens, liquecit, cum porro duo hæc coniuncta totam plantæ substantiam peruadunt; sed quia Solis virtute liquidus aquæ humor ad extremitates vsque plantarum attrahitur, isque sua natura subtilior & leuior quàm terrestris portio nutritioni destinata, hinc fit quòd liquor attenuatus facessit in aërem relicto plantis terreo nutrimento, quod ex ingenita sua potestate & vita conuertit in substantiam sibi similem. Atque hæc est vna alimonia omnium è terra nascentium, omniumque viuentiũ corporum; Hæc causa quòd omnia post putrefactionem ad terram reuertatur, experimento quidem indubio, sed quod vix millesimus quisque vel intelligit,

telligit, vel rectè perpendit. Si hæc sua bona nossent Hermetici nostri, non pot tam anxio conatu, tantæque sollicitudine, anquirerent primam sui operis materiam. Eæ verò ipsæ quas dixi nebulæ, si sursum latæ inciderint in loca apprimè calidâ, tum demum tonitrua & fulgura producant celeri illa & quasi momentanea substantiæ dilatatione; sæpè etiam ventos. Quòd si mediocris solùm fuerit aëris temperies, & paulò quàm nebulæ calidior, nihil, præter modestas pluias, ventosque gignitur, quemadmodum hætenus prolixè fuit explicatum.

C A P V T. IX.

Recapitulatio doctrinæ de habitudine quatuor elementorum.

V Ideor hucusque satis & super in-
quisuisse in genuinos vsus & of-
ficia quatuor Elementorum, Ignis,
Aëris, Aquæ & Terræ; non alio con-
silio quàm vt quisque probè intelli-
gat, quid sit vnumquodque illorum,
quanta & quàm admirabilis sit Natu-

ræ efficacia. Nunc Omnium facimus huiusmodi Compendium. Ignis nihil est aliud, quàm subtilis aër: Aër est subtilis aqua: Aqua est subtilis terra: Terra crassus ignis, quemadmodum euidenter demonstrant superius adducta exempla. Enimvero Terra, seu vi ignis, seu naturæ ingenita efficacia, resoluta, transmutatur in aquam, fitque Sal, & quædam terræ virtus, cuius rei perfectum argumentum præbet calcinatio: Sal ipsum igni dissolutum mutatur in aquam, veluti videre est ex destillatione aquarum fortium: Aqua porro vi ignis soluta fit aër, Aër fit ignis, ut iam ante dictum. Hoc pacto crassa obscuraque Terra conuertitur in subtilissimum, pellucidissimum, splendidissimum Ignem, qui non solum penetrat, illustratque omnia, sed & facit, ut ipsa penetrandi, illustrandique potestatem nanciscantur.

CAPVT X.

*Quomodo omnia ex elementis concreta;
sint.*

*sint tractanda, ut separetur purum
ab impuro.*

Hinc illud deducimus, ad eundem modum, præter elementa, etiã Omnia quæ ex elemētis concreta sunt clarificari oportere, tam Mineralia & Animalia, quàm Vegetabilia. Si quod horū animus est ad claritatem & splendorem deducere, non licet id alia, quàm præmonstrata ratione expedire. Terræ corpus clarificandum est per ignem, reddendūque simile ipsi Aquæ, sicque fiet quasi Sal, qui sal postmodum destillando potest clarificari, & in Aquam conuerti, prorsus, ad similitudinem aëris, omni impuritate destitutam, pellucidam instar crystal-
li, diaphanam instar aëris, splendentem instar ignis. Hæc nobis sufficiant: neque quæramus anxie nobiliorem aut exactiorem perfectionem; quippe non licet nobis asseruare Spiritus inuisibiles, nisi sub visibili specie; quin protinus eos perdamus. Simul ac in clarissimam aquam facta est transmutatio, tum proxima est conuersio in aërem, accedente scilicet destillatio.

ne, & mox superueniente atque condensante frigore, iterum in aquam, vel aspectu ipso, corpoream. Verum si idem ad igneam claritatem promovere studuerimus, non poterit frigore nisi in aërem condensari, quem quo pacto tractabis? quomodo co uteris? utpote qui supremus est rerum omnium visibilium, adque nostrum opus prorsus ineptus. Satis igitur nobis esto, si ad Aërem usque pertingamus clarificando, qui frigore concrefcens in Aquam, non gessit perfici ulterius. Quicquid enim ad extremam educitur perfectionem, id nec generat, nec multiplicat. Cæterum postquam iam Terram per destillationem permutauimus in limpidissimā, splendidissimam, clarissimam Aquam, aut Oleum, aut quomodocunque nominare volueris, tum porro hæc seminatur Spermate nostri Corporis, quod inibi computrescit tandemque acquirit splendorem ac perfectionē similem. Sic itaque facimus ex Aqua terram, virtute Ignis, & progressi, sequutique ductum naturæ, Terram cineri-

cineritiam dealbamus, nitidamque & lucidam reddimus quasi aërem: sed tamē specie aspectabili: Vltterius eandem ab Aëris forma promouemus ad perfectionē Ignis, curamūque ut fiat prædita splendore, nitore, puritate & rubedine, qualis rubino inesse solet. Ita superabit excellentia & perfectione omnes res corporeas. At verò si purissimum hunc Ignem ad pleniorē perfectionis gradum deducere stueris, necessum erit, ut is reuertatur ad pristinā naturam, beneficio Aquæ iam laudatæ, quò fieri possit generatio; quā procurabis, ex Spermate benè mundato, perfectissimo (in calore scilicet & frigore, cuius vis ignea foris, humida intus) in ipsa illa aqua, cuius humectatio vis foris, sicca intus; opitulante natura, & seipsam magis magisque perficiente. Ea repetitione & labore sæpius iterato, materia nostra tantam adipiscitur puritatem, tam penetrantem subtilitatem, ut nec dici, nec cogitari possit; ut etiam quæuis vasa transuolet, nec vlla ratione seruari, ut non perdatur, possit.

CAPVT XI.

*Occurritur dubio : differitur de modo
clarificationis artificialis: commendatur
doctrina de natura & viribus E-
lementorum.*

DVbitabit hūc & quæret ex me nō
nemo, quī fieri possit, vt tam ex-
quisita & suspicienda perfectione
per artem donari queat vllū corpus?
numnon vnumquodque gignat sui si-
mile? rarissimè aliquantò nobilius, vt
plurimum etiam deterius? ecquid ne
in nostra potestate sit, beneficio Ignis
pleniùs perficere Corpus, quàm Deus
ipse velit, aut possit per clarissimum
splendorem Solis? Responsum volu-
mus, multò aliam esse rationem no-
stræ clarificationis. Nos enim capi-
mus Corpora, quæ iam antè Deus &
Natura perfecerunt, eaque porrò, no-
stra aqua & igni, clarificamus; reddi-
mus crystallo æmula; liberamus à for-
dibus & inquinamentis, quæ iis natu-
ra reliquerat, breuiter, reducimus in
speciem Aquæ, in cuius intīmis pene-
tralibus delitescit potestas Terræ, in
quam

quam, ut dixi, indimus postmodum Semen nostri Corporis, idque per eam aquam mundamus, alterumque alteri quoad claritatem, simile efficiamus, quod ipsum per Naturam solam, absque arte non euenit. Omnia verò, quam ab initio acceperant à Deo speciem, eam sibi semper retinent. Et semen quum in aquam proicitur, non accipit à terra suam claritatem, sed Terra à Semine clarificatur, coquiturque vitali virtute, qua semen pollet. Terra enim semine multò impurior. Seminis essentialis perfectio eadem semper perseverat, immundamque & crassam terram tingit, id est in suam indolem & naturam conuertit.

Hæc sunt, amice lector & frater, quæ de natura commentari & tecum communicare constitueram, quorum omnium meæ ipsius manus periculū & experimenta fecerunt. Volui verò elementorum indolem & affectiones præcipuè describere, quia nihil reperi, quod me apertiori & tutiori semita deduceret ad cognitionem Dei creatoris. Elementa sunt habitaculum

vniuersæ Naturæ, absque quibus Naturam nemo cognoscet. In iis & ex iis nutrimur & sustentamur. Ea si ignorauerimus, ignorare nos oportet & Nosmetipsos, & totam Naturam. Qui elementa nouisse didicit, is Deum didicit, & se ipsum & Naturam, absque qua nemo intelligit, nemo verè amat, Creatoris omnipotentiam, sapientiâ, bonitatem. Nihil DEVM esse tam euidenter testatur atque Natura. Nos verò ad imaginem Dei cõditi sumus, vt harum rerum adminiculo agnosceremus diuinas dotes, quas nobis tam largiter & prolixè indulguit Creator: simulque adipisceremur veram illarum cognitionem, quantum nobis, inter mortales degentibus, ex usu est, partim Dei, partim nostrum ipsorum gratia; Breuiter, vt doctricem Naturam solida cognitione, sincero amore, prompto seruitio prosequeremur. Si tot tamque præposteris disputationibus sepositis, quæ quisquis non intelligit, ea nec laudaret, nec culparet, mehercules, longè maiori tranquillitate viueretur hoc quodcunque est æui,

non

non sine diuinæ sapientiæ suavissimo gustu. Quî enim agnosceremus, quæ nec oculis vsurpamus, nec tactu aut gustu deprehendimus? Quî amaremus, quæ incognita sunt penitus? Annon summæ necessitatis videtur, frater, Elementorum genium scrutari, vt Naturam discamus, vt Deum diligamus, cui soli debetur honos & gloria, in omnem æternitatem. Hæc igitur boni consule, & sedulò peruestiga secreta Naturæ. Ipsa testis erit, vera hæc esse quæ scripsi: ipsa te docebit & erudiet de iis, quæ sequutura sunt, maximis miraculis, vt liquido, & quasi in speculo, videas Naturam in Elementis; eaque Omnia in gloriam nostri Seruatoris.



CORNELII DREBELII

BELGÆ

Tractatus Posterior

DE

QVINTA ESSENTIA,

Eius viribus, usu, & quomodo ea ex Mineralibus, Metallis, Vegetabilibus, Animalibusque extrahi possit.

CAPVT I.

Definitur & commendatur quinta essentia : instituitur comparatio inter quintas rerum essentias.



QVINTA Essentia est res æterna, immutabilis, incombustibilis, vt cœlum inuincibile, perfecta in omnibus elementis: exuberansque (scilicet suprà fidem) calore, siccitate, frigore

gore, humiditate. Quando enim calore opus est, cum tribuit, nec (quod maximè mirum) frigiditatem ipsius animaduertimus; sicuti nec calorem, si refrigerium desiderantibus adhibeatur. Cæterùm ubi humiditas deficit, eam ad satietatem largitur, siccitas tamen eius nulla apparet. Atque ita porro se res habet in reliquis elementorum qualitatibus. Propterea quoque quorumlibet infirmitatum præsens remedium est.

Omnes verò quintæ essentiæ æquivalent, si benè præparatæ: nec refert ex qua materia. Fortè iam dices, si in omnibus quintis essentiis isodynamia est, ad quid præsci eam, quæ ex auro, cæteris prætulere? Respondeo, nihil quidem esse in terrarum orbe, in quo tam pura, quàm in auro, sit quinta essentia. Aurum enim perfectum est, caret combustibilitate, & parum, aut nihil secum habet: quamobrem cum tantummodo eius Q. E. à corpore, sine permansione corrosiuorum, separatur, spiritûque vini rectificatur, absolutissima est, maximèque penetra-

bilis. Aliæ autem Q. E. corporibus liberatæ, adhuc multa cōbustibilitate & cōfartis obrutæ sunt fecibus, internis externis: quæ nō nisi summa difficultate diffluunt: quandoquidem, si ex imperfectis & cōbustibilibus perfectissimam Q. Essentiam extrahere conamur, necesse est primū defecare, & oleum combustibile submovere, quantum fieri potest; deinde figere; postea calcinatione & solutione omnem combustibilitatem tollere, & utrasque feces; quod multum temporis iuxta atque negotij efflagitat, ut notum iis, qui experti: Cūque iam sic mundauimus, fixauimus, & in colorem adduximus, Materia auro, eiusque Q. Essentiæ similis est.

CAPVT. II.

Causa ostenditur, cur quinta essentia tantis viribus polleat: quia videl. quatuor elementa in ipsa sunt anatizata. Vnio quatuor elementorum in Q. E. est mirabile secretum.

IAm verò quæras, quī possibile Q. Essentiam hoc tali vigore præditam, qualem

qualem adscribis? Docebo: si eam immittas in spiritum vini, cui omne phlegma adiectum, ita ut sal (facile alioqui in humore solubile) in eo non solvatur, statim mixturam faciet; idque ob exundantem in ipsa humiditatem. Licet autem aspectu sicca sit, imo sale magis, nulla tamen hic siccitas appareat. Quod mirum, eo magis, quod etiam spiritum coagulat in crystallinum lapidem, feruoremque ei admittit, licet is, nec frigore, nec alia quapiam re concreseat. Vnde duo resultant aduersa, alterum est copiosus ejus, cum soluitur, humor: alterum frigida, cum coagulatur, siccitas. Scatens verò calor illius elucescit, si in aqua communi usque ad satietatem solvatur: eo enim casu, cum vel maxime gelat, etiam si frigidissimo loco exponatur, non obrigescet unda, quin neque corumpetur, neque male olebit in perpetuum. Ex quibus manifestissime quatuor elementorum demonstratur perfectio, Neque solum hoc fit in vino & aqua, sed in omnibus imperfectis, quibus hoc tribuit, quod desiderant. Nam si

Q. Essentiæ, quantum satis est, in salugine solvatur, recedet hujus siccitas, ita ut absq; periculo quilibet eam bibat. Atq; adeò, si ipsam cum venenosissima aqua commisceas, momento evanescet virus, in tantum, ut securè cuiquam propinetur. Quid si cum aqua forti? adhuc idem dicendum est. Sed tum defixanda est, ita ut cum ea distilletur. Nam alioqui aqua fortis calore stomachi præuolaret in cerebrum, & antequam quinta essentia eò ductu naturæ perueniret, penetrando, corroderetque hominem interficeret. Sed quando volatilis est, una ascendit, defendens cerebrum, omnibúsq; aquis venenosis id tribuens, quod appetunt: vel quoque aqua fortis cū illa fixari potest; atque hac demum proprietate acquisita perambulat totum corpus sine læsione, quippe perfecta in omnibus elementis, quorum defectus venenositatis causa est. Aut enim ignis, aut aqua, aut frigus, aut siccitas deficit. Testantur id aquæ fortes, quæ mineralium humidi sunt Spiritus, deficiatque iis Anima & Corpus, quibus
fatia-

fatiatæ, vim corrosiuam amittunt. Spiritus aëri & aquæ adsimilatur, tamen si sine igne non constant, neq; enim aër est sine igne & aqua: ac ignis absque aëre mortuus est. Qua de causa tria elementa existunt in aquis fortibus, at aër & aqua prædominantur. Probat id ex sale. Vbicunque enim illud soluitur, etiam aqua principatum gerit: & in quibus aër, aut aër & aqua simul præsent, in iis inuenitur acris penetransque sapor, ut in aceto. Sed si ignis & aër præualeant, sapor emergit etiam acutior, feruentior, penetrabilior. Quod ubi fit, nullus salis locus, sicut in spiritu vini probè rectificato: idq; obferuidam, quæ in eo, siccitatem. Itaq; quicumque Spiritus & molli & flaccido sapore sunt, & sal imbibunt, aquam dominam habent: acres verò, & sal soluentes, aërem & aquam: feculentum & penetrabiles: nec sal admittentes, ignem & aërem. Ex his propriis natura & potestas Spirituum, causaq; imperfectionis eorum innotescit. Verum cum Q.E. omnibus elementis ex quo scateat, etiam Spiritus & Cor-

pora suis numeris absoluit, quibuscūque tandē vitis laborent, modò cum ipsis vniatur. Quod autem hac proprietate caret, procul à Quintâ Essentiâ abest Sed coadunitio horribile secretum est, eoque paucis cognitum. Donum DEI est. Itaque non decet me id clariùs scribere, solummodò contentum illud exemplo IESV CHRISTI demonstrasse, qui inter DEVM & nos Mediator, suâ in hominem transformatione nos cum DEO vniuit in sempiternam & immortalem perfectionem. O absoluta Sapientia! quàm incomprehensibilia tua miracula, & consolationis plenæ tuæ figuræ, quas in omnibus in testimonium vitæ æternæ, Verbique tui venerationem nobis, quasi digito, ostendis.

CAPVT III.

Quomodo perficiatur glorificatio corporum philosophica : quid propriè sit Quinta Essentia.

Stat jam supérque virtutem & proprietatem Quintæ Essentiæ enarrauius,

uimus, simulq; naturam ac defectum Spirituum, etiã causam imperfectionis Corporum; tum quomodo hæc veniantur, & acquirant potestatem alia porro perficiendi. Mortuo enim & postea defecato Corpore, rursusq; unito cum Spiritu & Anima puris, Spiritus utrumq; sursum rapit, ita ut paulatim hæc omnia æquipolleant. Anima & Corpus naturam Spiritus, ille vicissim Corporis & Animæ consequitur. Quo facto sic copulantur, ut nulla vnquam via separationē admittant. Spiritus facilè figitur, id est, in naturam Corporis abit: nam corporeum spiritualitatem induit, spirituale verò corporeitatem. Vnde jure Corpus glorificatū appellatur, quia quolibet imperfecta corpora, in quæ insiniditur & penetrat, perficit. Etenim hoc vnum est ex maximis arcanis quæ misericors ille Deus nobis hîc patefecit in salutis nostræ confirmationem, & gloriam absolutissimi amoris in nos per Filium suum Iesum Christum colari. Quis non obstupescat, cum mortem & resurrectionem in omnibus

deprehendat? O infinita Sapiential
quis te satis dignis laudibus euehat?

Nunc ad praxin tranſimus, quam-
uis eam ſuprà leui brachio perſtrinxi-
mus. Philoſophi non ſemper de eadē
re loquūti fuerant, quando Quintæ
Eſſentiæ mentionē fecēre: Non: Mul-
ti enim fugacem illum Spiritum, qui
in omnibus reperitur, hoc nomine
appellabant, ſimulac eum ex Elemen-
tis ſeparārant. Plerique etiam philo-
ſophicē alienum indigetant: quin niſi
hic Spiritus abigatur, nihil occidit aut
in elementa reducitur; namque eſt, vt
Philoſophi adferunt, adſtrigmentum
eorum, & creatorum vita: At non ta-
lis Quinta Eſſentia, quæ omnibus
morbis medetur, ferè ſimilis eſt vir-
tute illis, ex quibus extracta, ex-
cepto, quodd ſemper ſit Mercurialis.
Etenim Spiritus hic è ſtipiticis ſiſtit
fluxum, ex papauere ſomnum prouo-
cat: atque ita de cæteris iudicandum.
Sed à nonnullis Quinta Eſſentia dici-
tur, & Elementorum vita; Cùm, quia
cuncta, hoc Spiritu (qui quiddam eſt
ſuprà Elementa) priuata, mortua ſunt:

Tum

um etiam, quòd quatuor Element^a
adiuua & indiuiduè in eo habitent.
ed subinde ignis, aër & aqua, subin-
e ignis & aër prævalent, atque terra
intimo sinu latet; quæ si industriâ
ujsquam ad actum perueniat, deq;
umiditate aquæ triumphet, sic ut
gnis & Terra foràs simul in conspe-
tum prodeant, in veram Quintam
ssentiam transit, omnesque debilita-
s tollit. Initiò enim Aqua dominata
t in exterioribus. Etsi autem aliqui
piritus sicci videantur primâ fronte,
i principio tamen Aqua fuerunt, e-
mentorumque motu mutati sunt.
aterùm arte etiam nobis induenda
t Aqua virtute aëris, humôrque; trans-
rendus in Crystallum, siccum, vola-
le, pellucidum. Deinceps Aër melior
ddendus efficacîâ terræ, hæc vicif-
n absoluto calore & potestate ignis
ornanda. Atque hoc modo materia
nnibus elementorum viribus mul-
plicanda est, & supra eam esse debet,
morbos eorum fugatura sit.

CAPVT IV.

*Amplius declaratur quid sit Quinta
Essentia: & indicatur signum perfe-
ctionis eius, si nempe sit rubra instar
rubini.*

Reuelabitur hîc secretum à Philo-
sophis præ reliquis reconditum.
Efficacia enim hujus spiritus (quod
sciam) antè hac à nemine tradita; &
rectè illum ignem vitæq; rerum di-
xeris aut Mercurium Philosophorû,
siue humidum radicale, re ipsâ gnîs,
hoc est, elementorum vitæ domiciliû.
Quæcunque perficere sustinemus, ad
hanc formam reducenda. Nec obitat,
quòd hic spiritus in omnibus elemē-
tis, plus, minus habitet: nam elemēta,
à Deo semel coniuncta (testantibus id
vno ore Philosophis) in totum dispa-
rari nequeunt, semper aliquatenus
permixta manent. Humidum autem
hoc radicale, ita elementis adhæret,
atq; adeò exsiccatum est, vt nihil sin-
ceri absque additione humoris ex eo
fiat. Est enim illorum odor, sapor, co-
lor: Et quò magis excoquantur, eò
magis

magis odorem, saporem & humiditatem amittunt. Hic verò spiritus, quò plus philosophicè coquitur, hoc plus humiditatis, in eò superflua, exarefcit, & melior, meliòrque euadit, quandoquidem perfectioni appropinquat. Ideòque apud Philosophos ante alia sicca elementa tantis laudibus extollitur. Verùm si rectè eū nominemus, nihil est nisi Aqua elemētalis, ignem, aërem & terram occultè continens. Ignis in aëre, aër & terra in aqua resident. Calor ignis terræ frigiditatem superat, humiditatemque viuam & liquefactam conseruat, ita vt nullum frigus illam congelet; quod patet in spiritu vini. Iam humor aquæ impedit quò minus siccitate ignis & aëris inarescat: & sic deinceps. Nam & omnia Elementa in naturam & formam huius Spiritus mutantur. Liquet ergo elementa illi perfectè inesse, sed in aqua cohabitant, quam philosophi, vt supra, deuincunt vita elementorum, hoc est igne, atque ita Igne philosophico adjuuant, vt reliqua omnia superet. Tunc autem est absolutè pura

Quinta Essentia, rubra instar rubini, immutabilis atque incombustibilis. Itaque perscrutate Naturam, docebit te nosse DEVM, creatorem nostrum, bonitatemque ejus & potentiam ostendet, magis quam quisquam in terra. Vnde Opt. Max sit laus in secula seculorum, Amen.

CAPVT V.

Duo modi parandi Quintam Essentiam ex Auro.

Fiat aqua fortis ex vitriolo & sale nitro, in eam immitte tantum salis communis præparati, quantum capit. Deinde auro foliato saturetur, donec tres quatuorve dies in tepore re-
renta, nihil amplius combibat, sed in fundo aliquid non solum, aut in calces redactum, relinquat. Postea bene rectificatam vini Q. Essentiam vulgarem affunde. Impone fornaci calenti, & auri Q. E. siue tinctura, cum spiritu vini, flegmate liberato, supernabit, rubra instar sanguinis. Iam defiltra; affusionem itera, dum rectifi-
cata

cata aqua nullam ampliùs tincturam educat. Tum colorem sicca, & soluendo coagulandóque ablue aqua munda, donec aque fortis acrimonia euanescat. Dehinc iusta proportionem hauriatur à spiritu, cui ne gutta quidem aque humiditatis: putrefiat philosophicè, ita ut ambo ascendant, atque habebis Q. Essentiam auri, beneficio spiritus vini, ad miraculum usque omnes morbos sanantem, præditamque quibuscunque antè dictis proprietatibus. Tinctura enim Animam, spiritus vini, Corpus & spiritum repræsentat: nec ullis vnquam mediis diuelli possunt. Ergo sic est perfecta quinta essentia. Atqui sine Spiritu non esset Quinta Essentia, & vel minima eius dos hominem necaret: ut in præcedentibus dictum. Sed si sublimando tincturam auri, transitum illi ad Corpus facias, dein rubifices, & in aqua communi soluas, inuenies veram Q. E. absque additione. *Aut etiam compendiosius fit, si nimirum corpori auri, euaporatione ab aqua forti liberato, sal abluas, mox reue-*

beres, sicut & spiritum, siue tincturam, donec in aqua communi soluantur, tuncque simul figas. Atque hæc est perfectissima & subtilissima via.

CAPVT VI.

*Duo modi parandi Q. E. ex metallis
& mineralibus.*

Solue metallū aut minerale tuum, sine iactura aliquorum spirituum, in aceto distillato: lentè coaguletur in loco tepido, vel distilla, donec cuticulam superinduat, aut tanquam oleum incrassescat. Pòst deinde in subfrigida cella in crystallum redeat: euapora humiditatem, rursusque crystallum fiat, dum tandem omnis humor sit concretus. Iam exsicca lapillos in hypocausto, ac denuò solue & crystalliniza, vt mundorem habeas naturam; quò peracto digeratur ad nigredinem. Cum spiritu rectificato tincturam educ, scitéque defeca; iterum digeratur quousque simul ascendant: Et erit tibi Q. E. metallorum & mineralium, valens aduersus quodcunque vitium. *Aut etiam corpus mundare;*

mundare licet, puróque spiritu figere
quemadmodum de auro dictum est.

CAPVT VII.

*Duo modi parandi Q. E. ex
vegetabilibus.*

EX omnibus, grato odore præditis
herbis, spiritum distillabis, eum-
que aquositate exues. Subtiles autem
spiritus præcedent, & sicuti vini spi-
ritus, non guttatim, sed radiolis
quampluribus in galeam decidet: qui
eum cessant, stillæ quædam, aut nu-
beculæ aqueæ sequuntur, & indicio
sunt spiritum transisse. Itaque de me
receptaculum, & è fecibus aut mate-
ria, in fundo cucurbitæ residua, tinctu-
ram extrahe, & soluendo coagulân-
dóque per puram redde: dehinc spiri-
tum ea in tantum reple, vt nihil am-
plius capiat: ascendant, descendant,
donec simul transuolent. Id ubi factum,
habet perfectam Quintam Essentiam.
Sed si inodoratæ fuerint herbæ, solues
eas in aqua distillata, aut distillando
siccas facies, suamque ipsarum aquam
affundes, addendo tantum aque com-

munis distillatæ, quantum satis videbitur. Tum soluendo, coagulando, à fecibus liberabis; postea in rectificatæ aqua, iusta proportionem solve; & ut coniunctim sursum tendendo in aquam rubeam, instar sanguinis, abeant, curabis. Et si fortè plus soluere cupiant, saturabis tuâ tinctura, ut antè. *Poteris etiam corpus figere.*

CAPUT VIII.

Modus parandi Q. E. ex animalibus.

Sine bulliat caro in cucurbitula, cuius orificio leuigata scandula quadrat. Tres dies naturales subsidat, munda per filtrum, & in balneo coagula; hinc purifica claro oui albumine, & procede, ut in vegetabili. Habes iam, amice Lector, varios absolute Medicinæ, siue Quintæ Essentiæ efficiendæ modos. Spero, planè & plenè capies, si attentè legas. Multa hîc arcana leuiter tango, sed hoc tantum, ne mali & peruersi homines iis, in contemptum Dei, abutantur. Vale, & Naturæ morum inuestiga.

COR.



CORNELII DREBELII
BELGÆ,

EPISTOLA

AD

Sapientissimum Britanniaë
Monarcham

IACOBVM,

DE

PERPETVI MOBILIS
INVENTIONE.



EXCEPTA ex inquisitione natura-
turae elementorum voluptas,
SERENISSIME REX, so-
la me impulit ut ad Maiesta-
tem tuam scriberem. Multa e-
nim & amœna & incredibilia admiranda vi-
di, ad cognoscendum Deum ex operibus
suis perquam utilis. Annon hæc omnia om-
nipotente & divina sapiëntia in gloriâ suam,
& usum nostrum condidit? Nam quid nos
magis moueat ad creatorem nostrum. cogno-
scendum, amandum, colendum, quàm vera

illa rerum scientia? in quibus quasi digito suam prudentiam, bonitatem & potentiam demonstrat? Gratiā debemus pro sacris literis quā maximā, eāque summo in honore semper habendā. Sed vix minorem pro eo, quod diuina illa natura tanquā ipse Deus, sine fide ostendit. Discimus enim eymultiplici & diuersā rerum naturā, simplicitatem Deis, eāque variis modis laudare. Quare nisi intelligamus quod videmus, audimus, sentimus, quomodo Deum cognoscemus, amabimus aut colemus, quē neque videmus, neque audimus, nisi verā rerum cognitione. Vnde concludimus, Optimi Maximi voluntatem esse, atque ē re nostrā, quid sit natura rerum percipere, ut tam Deum nostrum, quā nosmetipsos discamus nosse.

Quocirca, ō Rex, cū ante aliquot annos proposuissē causas rerum diligentē perquirari, ut dona in nos diuinitus collata rectē cognosceremus, descendi in humanam naturam, ubi in me idipsum inueni, quod olim in aliis vituperaueram aut probaueram. Inspectis autē & cognitīs stultā & inexercitatā nostrā voluntate, cæco & spontaneo errore, lætā & inestā vitā atque tristi morte, animaduerti dissidentis voluntatis, iudiciij, commercij hominum, causam esse solā animi ruditatē siue inscitiam. Sed perspicuens virtutē diuinorum donorū, quæ nobis Creator noster largitus est; & qui Deus, ut pater naturæ, in omnibus suis actibus naturali sapientiā utitur, ingentē gaudio

dio mihi animus affectus est. Quapropter institui primi mobilis indagare naturam: illud esse existimās principium operum Dei, eoque introitum ad veram naturę cognitionem patere. At quamvis diu hic maximā diligentia vñsus sum, nihil tamen omnino huic scientiæ idoneum reperi. Itaque dulcem huius inuentionis spem amisi. Nempe omnium rerum natura impossibilitatē propositi mei clamabat. Deinde vero considerans quomodo omnia ex elementis fiant, nutriantur & sustententur, quomodoque ex iis nobis ostendatur æternitas & immortalitas Dei, infinita altitudo & profunditas, læta lux & tristes tenebrę, ceteraque huius terrarum orbis miracula, operę precium me facturum putavi, si eorum naturam inuestigarem, in quo negotio tempus haud inutiliter triui. Breui enim animaduerti hanc esse ianuam ad veram rerum intelligentiam.

Idcirco singulari diligentia aquam primò aggressus sum, eo animo; vt per varia vascula & fistulas, miris modis inflexas, illam docerem suā sponte sursum tendere. Sed frustra hic quoque fui. Nam ne vnguem quidem latum ascendebat; verum vt natura eius est, semper deorsum ferebatur. Nihilominus tamen diuersos & egregios fonticulos feci, qui aliis atque aliis modis, ratione descensus suę aquę, quam continebant, radiolos aqueos ad tempus eiaculabantur in altitudinem viginti, aut etiam plurium pedum. At hic motus subito, nisi rursus cadentibus vñdis viuificaretur, euanescebat. Quā-

obrem mellea , quam conceperam , iterum me spes reliquit : eoque inductus sum , vt plenissimè crederem , causam primi mobilis homini omninò imperscrutabilem. Postea verò solerti indagine quæres abditam illam causam , quæ aquam semper deorsum urgeret, tandem eam deprehendi in obseruatione admirandæ ignis naturæ. Quare , serenissime Rex , non parum lætabar , quippe tum demum assequebar quid me eoque in errorem impulisset , quæ causa esset primi mobilis, quomodo cælum, stellæ, planetæ, aqua , terra, mouerentur: & quâ ratione terra in medio aëris portaretur, aqua instar circuli terram ambiret, atque omnia centrum peterent , excepto igne. Et contrà quomodo sol , luna, cunctaque sydera in cælis penderent, sicut etiam originem pluuiarum, ventorum, tonitruum, fulminis, fluxus, refluxus, denique quo pacto singula alantur & alterentur.

Nisi hæc, O Rex, tam viuis instrumentis, quàm argumentis demonstrare possem, nūquam tantum de iis scrip sissem. Neque enim ignoro omnibus ingeniis, etiam acutissimis, incredibile videri hæc mysteria industriâ nostrâ comprehendi posse. Ergò vt certum faciam me cognitam habere primi mobilis causam , possum construere globum perpetuò secundum cursum ætheris singulis viginti quatuor horis semel circum rotatilem , aut toties amplius , quoties mihi visum fuerit. Ita vt vel mille annis ne semel fallat , ostendentem nobis annos , menses, dies,

dies, horas, cursum solis, lunæ, omnium planetarum & stellarum, quarum motus hominibus notus: sicut etiam varij generis instrumenta, quæ certo tempore, aut etiam continuunt concentum harmonicum edât, in summa quicquid fieri potest pondere, circumuoluto chalybe, aquâ fluente & igne, præstat hæc cognitio in perpetuum, sed soli sumptus reddunt minùs fructuosam, si magna vis requiratur. Cæterùm ut magis confirmem me intelligere causam motus rerum sursum & deorsum, & quid terram & aquam in medio aëris portet, ita in vitro clauso terram in medio aquæ, aquam in medio aëris, atque aërem in medio ignis suspendo, ut vnum elementum aliud ambiat velut circulus alius, alium: aut è diuerso statuo aërem in medio aquæ instar globi, & aquam in medio terræ, ita inuicem se amplectentes, ut aër hunc terrarum orbem. Atque hoc modo altum humile, humile altum, leue graue, graue leue facio. Præterea aquam stantem sursum impello in altitudinem decem, viginti, aut plurium pedum. Et quoniam causam venti compertam habeo, construo machinas vehementer flantes. Atque cognitione fluxus & refluxus efficio instrumentum semper fluens & refluxus singulis 14. horis bis: ostendens menses eorūque dies, cursum lunæ & horas, fluxus & refluxus in perpetuum. Quemadmodum Maiestas tua ex præsentī hoc instrumento videre, & quando lubet veritatem mei scripti examinare potest. Illud est propago vel surculus arboris

perpetui mobilis, insitus veræ cognitioni elementorum, scopus rerum indagatoribus scruturus ad sempiternam memoriam, ut intelligant naturæ mirabilitatē, & quid eius dono possimus. Paratus sum etiam reliquas demonstrationes ostendere, sperans me eo facto gratam dulcedinem, quæ ex abditis rerum causis percipitur, multis præbiturum. Experientia enim me docet, nullam voluptatem veræ naturæ cognitioni æquiparandam, quoniam mōstrat nobis perfectam Dei bonitatem, sapientiam, potentiam. Multi ante me admiranda iactitarunt, probationem proponentes inauditis vocabulis, & absurdis processibus. Non inscijs credo, si nudā ratione rem gererent, omnes notam habituros eorum dementiam, & sic amissum iri magis nominis famam. Quamobrem ego non modo rationibus & exemplis utar, verum etiam exempla ad veritatem examinabo. Et primò narrabo causam ignis, deinde naturam eius & operationē: postea proprietatem cæterorum elementorum: & porro quid sit frigus, quæ sit causa primi mobilis, quæ sit causa solis, quemodo moueantur cælum, stellæ, luna, mare & terra, denique quæ sit causa fluxus & refluxus, tonitruum, fulguris, pluiarum, venti, & quo pacto cuncta crescant & multiplicentur, aliis hoc modo viam comonstraturus, quam ego post diuersos errores inueni, ut paruo negotio mirabiliora in lucem proferant. Nam (Deum testor) neque veterum scriptis, neque cuiusquā auxilio hîc vsus sum, sed

sed solummodo hæc reperi assiduâ obseruatione & perscrutatione clemētorum. Neque etiam testimonia habemus priscos homines hanc scientiam consequutos fuisse, licet multieam quæsiuerint. Scribunt Archimede[m] globum construxisse, qui perpetuo secundum cursum ætheris sese moueret, sed eundem, vnâ cum auctore, vno die detestabili bello absumptum; vnde & veritatis indicium perditum. Exstant nonnulli processus de perpetuo mobili, sed meræ nugæ, quæ multos seducunt, nullos in optatum portum dirigunt. Si processus veri essent, veteres illud composuissent, & nobis memoriam eius quantulamcûque reliquissent. Quapropter omnes huius artis amatores admonebo, & meliorem viam monstrabo: oblectans Deum vt cunctos Reges, principes & Magistratus clementi sapientiâ illuminet, quo omnes homines, serenissime Rex, vt nos tui subditi, aureâ diuinæ pacis dulcedine fruantur: cuius beneficium (maximum à sapientissimo Rege optandum) maiestate tuâ possidens, nescio quam gratitudinem rependam, præsertim cum reputo plerosque reges cæcâ cupidinē seduci, quærentes sanguinolento Marte regni incrementa, neque cogitantes quàm impossibile hæc sit adipisci sine maiore detrimento, & destructione fidelium subiectorum, qui ob id de bonis, vitâ, sanguine, periclitantur. Quis aliquo ingenio prædictus vitam suam perituris bonis comparet? Vnde satis intelligimus fructus abominandi belli, & sapiētiā

paci addictorum regum: qui bonis legibus
maleficia auertere, malum iustè punire stu-
dent, animo voluentes iustitiæ non esse
pœnam crimine grauiorem iniungere, sed
potius leni misericordiâ leuiorem reddere,
vt omnes regentium pergratos fructus, de-
gustent; & loco furiosi Mauortis sese re-
creent amœnâ artium voluptate, in quem
finem hunc meum laborem ad introductio-
nem incepti. Sed quia neque Latine, neque
Anglice mentem meam satis exprimere pos-
sum, hæc Belgicè scripsi & in Romanam
linguam verbotenus transferri curavi, vt &
integer sensus Maiestati tuæ seruetur, &
naturæ mirabilitas interdum delectet. Spe-
ro illam hanc meam affectionem clementis-
simo animo recepturam, diuque inco-
lumem & pacificè, sub prote-
ctione omnipotentis
dexteræ victu-
ram.